

栖碧先生黃楊集

重刻黃楊集序

夫人有遠體。尤有遠致。
致正目難。有無言之
間。一似蘭之挹露。柳之籠
煙。芝蓋之映波。朝暮。

於生物之相吹以自茲徧
而不覺其脩然遠之。以
今觀於栖碧華首。不
其然乎。翁少孤。屹自成
立。目下母外。靡日不以

好士為務。始素封而從
脫。既兵燹而甌隨。不毫
毛挂其胷懷。爾時如黃
文獻張潞公布衣陳子平
方外張伯雨之流皆樂與

之游。洋洋灑灑。亦能忘歌。其
奉母有春艸軒。不東野
寸草報春暉之句。南唐齊
楊碧軒。取太白問余絳碧
山之句。嗟乎。可想其致矣。

迨讀翁所為黃楊集。雖
余素不解詩。不敢孟浪
品題先輩。第其中幾
語良多。如漁父休歌。和
清濁。高人不與世浮沈。

云。何必解人。迺鏡劍也。
嗟乎。又可想見其少英矣。余
祖傳雪。為元來定。問。雅志
恬曠。不樂仕進。

國初。解署。以集。其。縣學。

楊鐵崖陶南村友。嘗乞其齋曰聽雪。而豫章胡大司馬為之銘。值不與。翁同龢云。翁事。至隆。母孝。按。聲。送。品。第。

友。宗姻友舊聞。好新其
懷。不第以訪人目之。抑請
者。持也。持人情性。三言之
數。義歸無邪。可不謂
致。以自來歟。余笑。子。容。許。

兩年習其門風。并習其
祖先遺集。遂、新、鄉、項
盡刻之。羽集屬余序之。
夫碑金粉。鐫百世玉。謝
家物。而不有。墮子孫。將

無作畫前之莊子。子虛
波立多也。

戊午秋。長水孫弘祖題
於鶴湖之松石間。

十世孫興進敬書

彙鋏栖碧先生詩集原本序跋

黃楊集序

詩由日鍛月鍊然後工。亦由隨事感發。肆然爲之。然後熟。辟之水。愈浹則愈混。混來而莫之遏也。華彥清氏愛詩甚篤。而奪於多事。予獲此二年矣。見其錄成帙者。未肆然而爲之也。因戲題其端曰黃楊集。世傳黃楊之爲木。遇閏歲則厄而不長。彥清能不爲閏所厄。則于霄聳壑。予將承其餘陰之下矣。彥清勉乎哉。谷陽陳方題。

續黃楊集序

始予至無錫。與華彥清伯仲論詩。舉能知所鄉背。得他人一章一句。吟諷未絕口。固已懸衡於胸中矣。至其精詣。或有布韋所宜左辟者。私心異之。未嘗以語人也。一夕燈下坐語。彥清出一帙示予。觀之。則所鈔杜子美近體詩也。隨其行澗狹。用朱書小字夾註殆遍。其說曰。某爲對起對結者。某爲散起散結者。或緣某句應某字。或由某意發某語。脈絡有自來。枝葉有所傳。著問

之則默然良久曰。此陳君子貞筆也。惜乎其不能終是帙而往矣。久之彥清有所述。又出以示予。徃徃與前所論說若注杜詩者合。予然後知彥清非漫焉而賦者也。彥清於伯仲中。又獨喜下筆於人。盡商訂。此其詩雖頗艱得。而稱量隱括。曲盡其所用心。以故子貞題其集曰黃楊。蓋勉其無厄閏云。至辛卯歲。稍爲疾。疾苦。家居無事。益以詩自娛其意。謂有肆然爲之之漸。以無負乎子貞之所期望者。輒別具一集。屬予序焉。

予獨謂黃楊楊之族也。楊爲木。喜近水。發榮滋
長。朝而尺。夕而尋。若易易然者。就其文理。堅緻
膏液。純足。充然固。龐然厚。自根株而條葉。一無
所散耗者。唯黃楊爲然。使是木也。捨其實性之
至充。而有慕於他楊之易茂。不幾乎持千金之
璧。以易瓦缶者之爲哉。甚矣茲木之退乎閏者。
乃所以進乎閏也。名集黃楊固當。於是仍題黃
楊集而歸之。是歲爲至正十一年十一月十三
日也。吳郡陳謙書。

錢梓黃楊集引

栖碧先生。姓華氏。諱幼武。字彥清。無錫之梅里人。世有隱德而好施。鄉人賴之。早失怙。母陳氏守節。元至正初。旌表其門。先生奉養盡事親之道。嗜學禮士。真實不倦。誠素和惠。待下慈愛。未嘗愠色。家素多貲。泰然不以富爲驕。後燬於兵。坦然不以貧爲戚。尤工於詩。吟咏情性。造次不輟。年六十九。病卒于家。詩凡六卷。名黃楊集。緯文從游旣次。得其稿於其子公愷。敬請錢梓以

廣其傳云。門人呂緯文敬識。

黃楊集後序

作詩難。觀詩尤不易。詩有境與物。事與意之分。然境物易狀。而事意難工。惟杜工部善寫境狀。物莫不曲盡。紀事託意。莫不詳切。後有作者。豈能過之。今觀栖碧翁之詩。一以工部爲法。凡其爲語。皆有來自。必準則而步驟之。可謂善觀古人之詩矣。然世爲鉅室。而不以純綺奪其志。卽其蚤歲。固已以詩鳴。中更變故。遷徙不常。雖顛

沛造次間。必以詩見之。且句不苟造。章不漫成。
鍛鍊組織。務去其粗鄙。而求其雅麗。不溺於富
貴穠茂。不偏於山林枯槁。長篇大什之春容。短
吟絕句之潔淨。其苦吟有人所不及者。今豈易
得哉。翁旣沒。其仲子公愷。手編其遺稿。示余。因
俾其外孫楊繹。重爲繕寫。門人呂緯文。鋟木而
廣其傳。吁。翁自癸巳歲。無錫之故宅旣燬。再遷。
而值兵燹。後移家蘓城之東門。繼遷海虞邑中。
後又遷吳興之金徑。長洲之周莊。晚而還鄉。將

復理田園。惜未及而逝。然其處患難流離。未嘗
廢吟咏。愈老而愈工。則其胸中。不以窮通得喪
易其志。槩可見矣。況有子有孫。躬耕而樂道。隱
居以繼志。則翁亦何憾耶。視曩年富貴之人。湮
沒而無聞者。何足算也。余於是重感慨焉。翁華
氏名幼武。字彥清。爲無錫人。栖碧其自號云。洪
武丁卯閏月廿又三日。包山樵人俞貞本序。

重刻黃楊集後語

七世祖栖碧先生。有遺稿曰黃楊集若干卷。藏

於家。其詳具載前後序中。蓋古之所謂逸民窮
而工於詩者也。明詩選粹皇明詩鈔與錫山遺
響雖互取數首。而傳之未廣。人鮮得而見之。今
按察使是堂俞公。欲編輯盛明百家詩。上自縉
紳。下至韋布。罔不蒐括。察乃於所藏集中。手錄
諸體。凡百二十有八首。以備采擇。非敢有所可
否於其間也。第百家詩卷帙浩繁。一時未易就
緒。茲本恐其久而散失。因屬兄子承業鋟梓以
傳。蓋不敢沒先人之善云爾。顧察無似。嘗備員

館職餘二十年。不能為先生作一逸民傳。纂入
國史。用垂不朽。而區區表揚之志。僅止於斯。不
亦可媿也哉。

隆慶二年。歲在戊辰。夏六月。既望。翰林院侍讀
學士。裔孫察董沐。百拜書。

黃楊集上卷目錄

五言古詩

雲松巢

登惠山

贈梅孝子榮甫孝感詩

厚本菴覺上人東歸奉寄三十韻

夜坐

長廣溪漁翁頌吾祖之德感慕成詩

上巳舟中值雨

送姪擴之通州

次韻曲林見寄

奉謝琴川鄭氏昆季

貞孝篇美顧宗彥母子也

贈呂彥經

七言古詩

歌行附

隱微道人今年禱雨者再皆驗頃爲余家
禱之亦驗作喜雨謠以謝之後至元二
年也

發曹湖

送林子明嘉定賣藥

惟中自嘉禾歸覲賦此寄之

送三茅陳嗣師還山

題曹氏春江雲舍圖

觀王仲彰菊圃

孤飛燕

九日見菊

釵婦詞

雁南飛

編籬曲

義兵行

青山歌寄翟仲謙呈東湖叔兼簡彦容弟
指瘡馬圖行

樂存堂歌爲吳江陸彥祥賦時二親同壽

八寸也

憶昔

上卷目錄

栖碧先生黃楊集卷上

古詩五言

雲松巢

天上多白雲。山上多青松。白雲出松間。秀色如芙蓉。縹緲神仙宅。彷彿蓬萊峯。松垂戶牖密。雲擁簾幙重。風起秋浩浩。日臨春溶溶。繁陰駐長夏。靈響肅嚴冬。晨出露霑衣。夕歸月啓封。右駕旋白鶴。左驅命青龍。真仙諒攸憇。俗狀詎能容。自顧敢爭席。所願長相從。

九
卷
三

登惠山

山色如美人。春風來更佳。幽花發紅彩。細草萋
青芽。夜來得好雨。泥軟不濕鞋。豈憚脚力勞。直
上窮巔崖。循路盡曲折。躡石如梯階。置身萬物
表。高舉若可諧。俯視地上人。何殊井底蛙。城郭
縷刻畫。江樹辨雲霾。平壤東入吳。大水北亘淮。
日落具區白。氣涵滄溟濳。其下明陽觀。高士神
仙偕。衣冠不入市。飛昇無遺骸。峻節皎日月。慙
忸非吾儕。老僧偶相值。邀我林下齋。旣汲泉煮

茗。復以酒沃懷。情真語頗率。謝去傷多乖。世道
數齟齬。疇能徧天涯。

十三元
五平
贈梅孝子

水木有本源。俯仰感乾坤。誰無寸草心。可以報
親恩。中吳梅氏子。庭闈母獨存。高年嬰痼疾。憂
心一何煩。爰事虔禱間。天地黯慘昏。精誠破陰
曉。孝念達帝閭。雲漢昭天章。璣衡麗微垣。真宰
既已假。靈貺鍾其門。願秉此時心。終身矢弗諼。
肅敬將肴膳。婉容奉笑言。采采南陔蘭。萋萋北

堂萱。勗哉盡子職。天錫慶彌敦。

八
下

厚本庵覺上人東歸奉寄三十韻

生無功名志。四方謝經營。守拙在村野。洒掃事
墳塋。惟我曾大父。梅里鬱佳城。松楸四十載。枝
幹重重生。子孫五世衆。能保枯與榮。林外結精
舍。歲時奉粢盛。似非象教力。無以存遠名。惠山
前朝寺。寒暑幾變更。玉泉蔭翠栢。歷劫無凋零。
寺中有尊宿。心比泉源清。感我再三意。瓶錫許
暫停。晨鼎香不冷。夕燈火長明。白日禮瑤懺。清

宵閱金經。逝者安玄宅。生者懷至誠。諒發菩提
念。永堅蘭若盟。豈意中土亂。盜賊紛縱橫。軍需
日夜急。盡向江南征。道釋與黎庶。差役均重輕。
委身任鞭撻。但恐違公程。空門本清淨。深慮禍
所嬰。中夜理舟楫。飄然望東行。師固方外士。寄
迹如浮萍。寧無所任心。荅此眷顧情。悵望不可
及。流淚浩沾纓。嘆彼蛙蚓輩。安能溷滄溟。一朝
就泯滅。卷旗韜甲兵。山川不改色。草木咸光晶。
官府有餘暇。土田春得耕。萬姓安舊業。租賦庸

均平。再期林泉會。猿鶴交相迎。

夜坐

烈日不易度。清臈殊未來。煩襟結憂思。虛庭且徘徊。炎官爾何心。下土如焚柴。群生苦煎熬。天高難訴哀。入室足蚊蚋。開門多虎豺。膏血唾易盡。骨肉頃見摧。縣吏迫誅求。生涯安在哉。慄此鳥雀微。潛身蒿與萊。仰望霄漢遠。無由設梯階。願天降霖雨。洗濯無餘埃。舞羽致苗格。歌薰阜

民財。明當逢此時。長吟寫幽懷。

長廣溪漁翁頌吾

祖德感慕成詩

移舟遡春水。飄搖任所適。直汎長廣溪。冷飈洗
塵迹。前峯雨初竟。空翠若可挹。輕波盪晴景。洗
瀲閃金碧。鷗鷺不驚飛。鳬鷺自浮沒。浩歌放中
流。俛仰天地窄。顧我塵俗姿。何有山水癖。溪南
見漁舍。茅茨半欹側。叅差數株柳。青蔭稍蒙翳。
繫纜柳樹根。褰裳坐磐石。漁父向我笑。愉悅好
顏色。問我從何來。言語若舊識。所居只尺地。三

世無改易。昔者盜賊至。蘆葦避鋒鏑。今年八十餘。頗覺少筋力。長年生理處。繞舍菱芡實。南風吹荷花。清香滿吾室。窮冬不知寒。曝背向白日。膝下有長男。夫婦亡疾瘼。細女寡少年。守志奉朝夕。一孫與一甥。綢繆供衣食。此心百不縈。棺木具已畢。我憶年少時。曾上君子宅。重門使人迷。若與塵境隔。近聞車馬過。烽火成瓦礫。尚念處士翁。四方頌遺德。我種君家田。徃徃受惠澤。斯人久云歿。斯德猶記憶。常時語兒女。欲報意。

罔極。歛袂聞此言。惻爾潛歎息。人生宇宙內。繁
華竟無益。富貴榮一時。草露朝淅瀝。何如養方
寸。仁愛布民物。流芳施孫子。百世仰憲則。我祖
不可見。我心竟慄慄。迴首故園春。潸然淚沾臆。

上巳舟中值雨

蓬上雨聲急。蓬底酒未醒。推蓬看青山。雲氣接
溟滓。溪傍數株花。紅白亂飄墮。傷心三春事。已
逐流水盡。嗟我六十翁。短髮白垂領。漂零未安
宅。浩蕩一漁艇。百年能幾何。疇克駐馳景。風流

山陰會。千載迹不泯。愧我蓬蒿人。詩罷聊自哂。

一
下

送姪擴之通州

吾族全盛日。家聲詩禮傳。自遭喪亂後。誰能事
陳編。猶子苦好學。鄉閭稱獨賢。文采珊瑚枝。照
映唐棣篇。時同竹林會。嘯咏相周旋。一朝携酒
至。別我荒城邊。借問欲何之。言將適通川。通川
渺何許。遠在滄海壖。府侯朱夫子。招我開講筵。
老懷極慰喜。別意尤拳拳。江水萬里注。瀉滑急
如弦。歷險戒疾驅。中道勿纏綿。蛟龍起春雷。鵬

鶚搏秋天。物遇各有時。立功須盛年。此行非草
草。着鞭會爾先。要登青雲路。忠義盍勉旃。舟發
梁溪水。帆拂狼山煙。行當賦清句。激此山中泉。
次韻曲林見寄

通衢一傾蓋。分手猶惜別。况是忘年交。離緒那
可說。蟬鳴野外秋。鴈叫沙頭月。永保松柏姿。同
盟歲寒節。

奉謝琴川鄭氏昆季

結交須結心。取友必取德。苟遇同心人。何用曾

相識。請君試靜聽。賤子聊具述。區區六十翁。素稟柔弱質。潦倒無所成。頭顱空雪白。十年遭艱險。携家避兵革。閭里俱荆榛。屋廬成瓦礫。飄泊無定所。萍蹤任南北。旅食闔閭城。懷抱常怵惕。豈謂去年冬。大軍至倉卒。譬彼孤飛鴻。哀鳴畏矰繳。又如投林猿。高木何暇擇。拏舟向東去。道路煙霧塞。回帆擬西行。烽火鄉里隔。矯首見虞山。青天數峯出。遙遙竟宵征。那問凶與吉。詰旦達城郭。維舟南關側。浩蕩萍梗踪。彷徨欲何適。

故友若晨星。在眼空歷歷。是邦湖山勝。群英聚
圭壁。屈指數姓名。遺十還記一。遂令兒童輩。咨
度遍尋覓。鄭氏好昆季。相逢悅顏色。一見蓋始
傾。方寸已莫逆。敬我以父執。待我猶子姪。慰勞
未及已。拳拳問家室。大厦讓我居。矮屋自容膝。
軒堂親掃除。俾我安寢食。脩垣障紅塵。清池湛
寒碧。林梅雪的皚。畦蔬翠葉羃。老檜鬱以秀。高
梧挺而特。物態各有榮。人事何促迫。衰年厭喧
隘。愛此地幽僻。煩懷淨陶寫。庶用遣愁寂。况乃

賢主人。友悌更相得。伯也倜儻姿。英年事書律。
急難妙解紛。出言梗而直。深謀及遠慮。靡有毫
髮失。誰能干戈際。豁達露胃臆。空階步月吟。碧
窓張燈奕。度曲變陽春。飛觴走瓊液。欸洽相與
娛。寧忘論三益。仲也青雲器。胸中飽經術。文章
浩波瀾。氣槩壓齒峯。周旋中矩度。勵學寸陰惜。
淮海譽白眉。士林仰嘉則。名已達鳳池。會通金
閨籍。行當步霄漢。九萬搏只尺。蠹我二三子。亂
離墮荒逸。遂謁董氏帷。同瞻管寧席。未諳立雪

意洒掃勤乃職。諄諄教誨言。亶亶琢磨力。方圓
苟成器。詎敢忘繩墨。叔也正年少。天然美標格。
讀書不輟手。學字已超忽。龍泉未出匣。良玉猶
在石。一旦發光芒。虹貫斗牛赤。由來席上珍。豈
是池中物。庭下棠棣萼。相輝耀春日。庭前紫荊
樹。相看厚培植。姜肱共被臥。繆彤自躬責。張公
一忍字。九世不改易。千年見君家。接踵繼古昔。
今者二月初。衰朽忽遘疾。呻吟不絕口。生死莫
可測。妻子顛沛餘。束手竟靡策。感君交誼篤。中

心懷戚戚。百里求良醫。不憚苦馳役。醫亦仗義
人。匍匐過蓬華。沃我上池水。沉痾冰渙釋。殘喘
獲再甦。枯萌發春澤。斯文骨肉懿。何有此稠密。
四海皆兄弟。伊誰與儔匹。留連變寒暑。言笑忘
晨夕。良朋長滿坐。俗子迴絕迹。坐我春風中。不
知身是客。義深不可道。肺肝自銘刻。永結同心
友。重以膠投漆。誰知歲寒操。南山有松柏。再拜
聲歌詩。茲懷豈終極。

一九
下平

貞孝篇美顧宗彥母子也

爲子盡孝敬。爲婦不二天。人道故常爾。心匪金石堅。誠能終大志。竹帛光萬年。東林顧氏母。春花正芳妍。懷有襁褓兒。夫君遘迤邐。鴛鴦期自首。分飛去弗還。痛憤不自持。誓欲同九泉。生死固有定。骨肉忍棄捐。尚念百世系。一縷千鈞懸。呱呱何所知。母在兒能全。晝啼夜飲泣。撫育盡愛憐。但使兒在目。夫君如在前。堂上有尊嫜。變故仍後先。笑笑一婦人。萬慮紛相纏。掩鏡屏膏沐。素心操靜專。躬脩蘋蘩事。伏臘滄潏機杼。

秋風夕。來麻春雨田。軻母我所慕。侃母我師焉。
茹苦猶嗜甘。歲華忘屢遷。所願兒長大。頭角見
嶄然。詩禮繼先業。復此舊青氊。諄諄承慈訓。孜
孜勗勉旃。行義董召南。清脩漢服虔。激勵爲佳
士。純孝鄉黨傳。甘旨肅以具。清溫安且便。林筍
春自斲。嘉魚朝割鮮。服勤慎色養。兢兢復拳拳。
脫穎榛與棘。齊芳芝與荃。家聲振奕葉。青雲煥
高騫。載歌栢舟詩。和我貞孝篇。

贈呂彥經

落落岩上松。根踞崖石裂。蒼翠入太清。馮陵幾
霜雪。視彼桃李花。芳菲艷陽月。不似岩上松。能
持歲寒節。

古詩七言

歌行附

隱微道人今年禱雨者。再皆驗。頃爲余家
禱之亦驗。作喜雨謠以謝之。後至元二年
也。

去年六月河水乾。已斷香粳不得餐。道人致雨
作豐稔。遂復飽飯歌平安。今年五月梅雨少。處

處秧科分不了。道人起就有司請。雨點如拳落。
飛鳥。秧田一夜皆青遍。婦耨夫耕不辭倦。豈意
秋來七月中。百里河流又如綫。田家望雨兩兩月。
日。四山撐天雲不出。豆葉乾枯稻葉黃。烈焰張
空爍金石。昨朝雲氣騰中天。白龍捲水蒼龍旋。
滂沱一似去年雨。玉虎殷地雷施鞭。村南村北
皆鼓舞。盡說幾時無此雨。誰能如此活焦枯。道
人五日村西住。道人道人仙者友。三出玄功世
無有。道人握手不言功。醉看青天開笑口。

發曹湖

曹湖東南大星起。灩灩光晶射湖水。兩髯搖櫓
逆風行。浪花激船洒飛雨。我時起坐推蓬窻。天
地黯慘開鴻龐。扶桑日出東海沸。波濤滉漾珊
瑚光。迴風颺帆舟子喜。唱歌逕度三十里。樓閣
參差見吳市。

送林子明嘉定賣藥

林君賣藥吳城東。此心自與神仙通。君今移家
練祁去。好種杏萼千萬樹。花開爛熳功業成。絲

衣歸舞春風輕。堦筵迭奏酌春罍。再拜堂前爲
親壽。杏林千年芳不朽。

惟中自嘉禾歸觀賦此寄之

子居城南我城北。只尺指型太山隔。况當連日
雨泱泱。蹇驢路滑那堪策。具慶堂前戲綵衣。青
袍照映春增輝。阿翁欣欣阿嬭喜。世間之樂誰
能比。我年六十頭盡白。猶向異鄉爲異客。夢中
常憶春草軒。翩翩綵袖何由得。堂前綵衣不可
忘。身上青袍門有光。更看拾芥取朱紫。錦衣曉

拂天墀香。此時歸來爲親壽。里閭題芳傳不朽。
我當匍匐登君堂。共奉金尊獻春酒。

送三茅陳嗣師還山

江南昔當全盛時。君居虞山我梁溪。相望百里
如咫尺。日夕言笑相追隨。干戈滿地事非昨。君
住茅峯我城郭。十年旅食古長洲。鑿井畊田一
丘貉。去冬避兵到琴川。君亦歸來省墓田。相逢
一笑驚夢寐。羨君飄逸真神仙。神仙自有長生
術。顏如渥丹髮如漆。凌風跨鶴上青天。噓氣成

雲飛霹靂。是邦太守賢且慈。天久不雨。憂民飢。
請君默禱。纔信宿。瓢翻馬鬣。甘霖垂。四郊沾足。
民悅懌。太守徵詩。頌君德。願君歸去。奏茅君。爲
瀉銀河洗兵革。

題曹氏春江雲舍圖

富春江上曹孝子。結屋深居白雲裏。重重簾幙
護春暉。不出庭闈奉甘旨。門前江水碧泱泱。屋
外峯巒紫翠光。山高水闊意無盡。堂上慈顏日
月長。棠棣相輝萼。蘭玉森森映階砌。爛斑

新筍帶煙鏡。雪白江魚隨網起。綵衣歡舞四時
春。世上之樂無其倫。青雲立志爲親顯。衮衮公
侯來逼人。干戈滿地尚酣戰。客袂不忘慈母線。
暮暮朝朝望白雲。寸心只願長相見。

觀王仲彰菊圃

山翁種花如種玉。春去秋來看不足。碧林凋霜
綠草枯。五色齊開滿園菊。秋光一片敷錦纈。較
彼春花更奇絕。羽服翩翩翳素鸞。霞衣點染猩
猩血。西子迎風醉未醒。阿環睡起舞娉婷。簇金

首飾光瓏玲。紛如群仙降蓬瀛。彩雲爛熳香風
清。山翁愛花入骨髓。朝朝灌沃銀瓶水。逍遙食
飽花間行。手撚長髯自吟喜。山翁山翁知者寡。
閒把幽懷自陶寫。不學淵明嗜酒狂。白衣望望
東籬下。

孤飛燕

孤飛燕。飛不住。哺此巢中雛。孤飛度朝暮。群雛
不耐飢。啾啾望母歸。不知母死無歸日。得食忘
飢竟安息。孤飛燕。巢在梁。梁空秋月白。屋外秋

風涼。秋風吹雛毛羽寒。秋月照巢身影單。但願雛長成。不異頡頏雙飛翻。孤飛燕。休語人。有人聞此易酸辛。

九日見菊

去年見黃花。香滿金釵側。今年見黃花。入眼無顏色。黃花未應不耐秋。自是插花人不留。人去竟不回。花自年年開。見花不見人。悵望今心衰。何時對花酌碧酒。共醉佳人作重九。

蠶婦詞

去年來葉多。養蠶能幾何。今年來葉少。養蠶難
得老。典衣買葉供蠶食。葉少蠶多憂不給。典衣
不畏舅姑嗔。只願蠶成絲有綸。我着身上衣。蠶
吐口中絲。蠶繭太如甕。絮帛皆足用。三眠三起
白於霜。一筐兩筐盈百筐。舅姑歡喜小姑忙。男
勤畊兮女勤桑。春熟蠶。秋熟稻。舅姑堂上樂且
康。細女長男亦溫飽。

鴈南飛

隔南飛。飛不住。暮暮朝朝不住飛。飛向水窮山

盡處。水窮山盡天南頭。豈知有客離家愁。碧天
無塵明月夜。千里萬里關河秋。家園悠邈不可
見。一聞鴈聲淚如綫。鴈兮鴈兮可奈何。稻梁多
處多網羅。

編籬曲

編竹籬。密密編。朝樂鷄狗入。暮防豺虎穿。交加
編聯互相踦。竹密藤纏堅莫比。春風披拂百花
開。閃映繁華如織綺。君不見西家有籬編不密。
夜夜驚呼防盜賊。願言兄弟莫相疑。明日齊心

編竹籬

義兵行

風蕭蕭。雨淒淒。義兵起程行路迷。腰刀手鎗羅
光輝。青衫白帽行隊齊。問渠遠行將何之。官司
召募征江西。妻兒父母夾道啼。我今與汝生別
離。生別離。不得已。在家出征同一死。麥禾滿田
穗將結。皇天淫雨無時歇。去年秋旱號飢寒。今
年夏麥不得餐。幸逢此地無爭戰。供給軍需民
力殫。生爲浙西農。死爲江西卒。迴頭語妻兒。何

處收吾骨。率土皆王民。安敢辭苦役。但愧扶犁
手。疇能用矛戟。願得將相俱賢才。掃除盜賊無
繼埃。義兵歸來舊田里。賣刀買牛復生理。

青山歌寄程仲謙呈東湖叔簡彥客第

春風東來吹雪消。青山峩峩綠水迢迢。山環水
遶。中有隱君子。日與樵漁爲伍。築屋讀書溪之
坳。我時隨春風。撥棹訪君去。君騎蹇驢來。迎笑
在中路。下驢同載歸。君堂張燈展席飛華觴。興
豪歡洽飲不醉。終夜伐鼓吹笙簧。天明不忍便

分手。載向竹林呼美酒。竹林主人清且賢。新篇
美酒如流泉。賦詩寫畫相留連。蓬窓甕牖屋數
椽。黃卷滿案綠綺懸。傳芳之錄手自編。視富與
貴如浮煙。視親骨肉金石堅。況我猶子心拳拳。
坐中有客吾愛弟。扶我醉歸茅屋底。呼兒喚婦
拜我前。群兒牽衣婦顏喜。笑歌雍雍復夜宴。弟
勸兄。酬動遵禮。齊謳趙舞何足羨。義篤情真乃
爲笑。自笑平生飲不得。酩酊醺醺醉三日。醉中
一別五月餘。夢魂長繞青山側。青山在眼白雲

在山。恨無羽翼。隨雲往還。但願棠棣花。相映竹林下。閱此歲寒姿。永結同心者。同心伊誰有。君子君懷磊落青雲士。近聞抱病卧空山。不知體氣今何似。我言不盡意。君會未可期。滿毫滌硯書此詞。聊以寄我長相思。

楷痒馬圖行

魏公書法擅天下。時向玉堂閒畫馬。龍媒貌得五花驄。似識長楸沙苑中。青絲鑿解黃金勒。老林槎牙恣楷痒。霜蹄蹴踏尾蕭梢。霧鬣鬚鬚肉

屈強。畫師神妙何人擬。伯仲曹韓不過許。曹韓
已矣。魏公亡。後來作者誰能數。君不見燕人千
金市駿骨。何似圖中丹鳳臆。

七陽
下平

樂存堂歌爲吳江陸彥祥賦時二親同壽
八十也

樂存堂前春日長。樂存堂下春花香。堂上耆
齊壽昌。百年比翼雙鴛鴦。顏如渥丹鬢如霜。
明耳聰筋力強。積善之家有餘慶。天錫純嘏生
琅祥。芝蘭玉樹遮砌傍。芳馨郁郁紛琳琅。歲時

宴樂春滿堂。南極晰晰燁星芒。朱簾綠幙綺席
張。緩歌細舞吹笙簧。兒能開口詠鳳凰。少慕懷
橘奉親嘗。色有婉容遊有方。年迄不惑孝彌彰。
聘之不仕甘遜歲。驛驛耻服羈與韁。躬具甘旨
羞芬香。孝洽閭里嘉聲揚。化彼薄俗爲純良。高
山距屋雲蒼蒼。長江激檻波湯湯。壽無窮兮福
無疆。我登斯堂獻霞觴。兒欣欣兮親悅康。樂長
存兮矢弗忘。

憶昔

憶昔堂上親。憂兒孱弱身。兒身今已老。不見堂
上親。堂上親去不返。寸心何以報深恩。天地茫
茫恩不斷。

栖碧先生黃楊集卷上

黃楊集中卷目錄

七言律詩

季父歸自江東喜而有作

春暉堂

秋夜感懷

次韻寄鄭明德

次韻答倪元鎮閔兩見寄

寄開元寺光雪窗長老

宿隱微山房

奉同陳先生別俞元明都司次韻

厚本菴對雪得飄字

病中寫懷

毘陵敬上人留飲瑣翠亭兼簡陶師晉

過常州游塘張祠有感

庚寅留毘陵憶老母病渴憂甚適寄枇杷
至感喜而作

游碧浪湖簡沈高士

訪倪雲林留飲

鞏德新兄弟分居十年仍復共處

病後野人送橘

呈雪林御史二首

席上呈王尚書

簡童鍊師

避寇

對月懷堯軒

次韻堯軒過溥塘莊見寄

次韻答楊文昭

拜隆亭祖墳有感

金園寺別茂上人吳公亮

宿長廣溪

題鄒甥湖山隱居

春草軒對月

奉和丘彥啓追詠祖尚書畫錦坊詩有感

留別姊丈鄒檜堂 白隱亭

蘭雪齋

寄丁彥誠

贈王宜中

贈馬主簿

送永定寺長老茂公

過翟氏草堂會家叔同飲

訪志學留別

和曲林夢歸鄉中龍山寺

送丁彥誠之通州 次韻老人燈

種杏軒

九日分韻得陽字

次韻答黃敬之

題陽山顧碧溪詩卷

寄曲林

寄趙高士慶上人

旅泊寄上東湖叔

次韻答劉節判

次韻答方節判

次韻答鄧仲圭張則明二首

次韻答淵上人

次韻答二鄭先生二首

次韻答殷公

感懷

別席心齋

秋夜

戊申冬過東湖叔別墅

楊獻可席上戲贈

奉寄東湖叔

歲暮感懷次韻

次韻答吳良才二首

寒食

江村

清明雨

海寧雲友山公見訪

和陸天游春暮感懷

題天游畫

題溪山春霽圖

閒居

旦日次周莊簡山林

次韻楊鍊厓賦鍊歎樓

重賦鍊歎樓

送表姪賀生歸鄉

爲沈伯庸賦畊雲軒

次韻曲林聞鶯二首

午日危坐養浩齋喜天游見訪對花小酌
養浩齋雜詠

百合

五月菊

紅葵

黃葵

紅白鳳仙

秋萱

暮春奉寄東湖叔

喜幼子文韡遠歸

過鄢生

七言排律

次韻答趙季文

遣懷奉呈東湖叔

中卷目錄

栖碧先生黃楊集卷中

律詩七言

上五
七五季父歸自江東喜而有作

千里江山一月還。幾多江水幾多山。
江聲夜作雨聲急。山色晝同春色閒。
草發菖蒲雲冉冉。花開杜宇樹班班。
莫將行役空惆悵。去覓幽棲屋數間。

上五
七五春暉堂

築得堂成爲奉親。綵衣白髮兩鮮新。
及時花發

春長在。獻壽杯深。客過頻。燕子簾櫳初著雨。宜
男庭榭不生塵。韶華一去無顏色。落日東風草
似茵。

秋夜感懷

年年秋夜愛新涼。此日秋涼欲斷腸。夢覺不嫌
燈似晝。更深猶怯簾如霜。風吹薜荔陰連幄。雨
打芭蕉綠映床。最苦無人具甘旨。豈緣今夜倍
情傷。

次韻寄鄭明德

軒軒意氣孰追隨。未審儲郎敢斷絲。名字已聞
天子召。報書還及野人知。十年湖海開心久。西
漢文章得意爲。鵬鷃秋高雲路濶。漁樵有席更
分誰。

八
下

次韻荅倪元鎮閔雨見寄

十日不見天宇青。城上雲氣如愁生。擬移茆屋
近山住。頗訝漁舟平地行。巫峽漏天常是雨。楚
江沃壤獨宜晴。羲和六龍御白日。借問孰處揚
光晶。

寄開元寺光雪窓長老

城南寺裏綠陰堂。脩竹千竿夏日涼。佳句每從
韋老賦。妙香都在贊公房。娑羅樹落天花碧。般
若經繙貝葉黃。得意故忘歸路遠。一壺春酒對
斜陽。

宿隱微山房

二月蘭舟泊上宮。春雲不雨玉壇空。苔生白石
班班綠。魚出丹池箇箇紅。對酒燭分花底夜。捲
簾香散竹間風。高寒未覺仙臺遠。只比相逢一

夢中。

十五
上平

奉同陳先生別俞元明都司次韻

憶昔布衣從此去。今朝却喜莅官來。泉聲不與
清流隔。山色依然畫障開。醉倚斜暉吟慘澹。坐
深虛室意徘徊。宦情羈思渾忘却。要路從教長
碧苔。

二
下平

厚本庵對雪得飄字。庚寅冬覺上人招款。

八

坐土師儒。入大同賦。成卷子。平爲序云。

天女裁花散次寒。鮫人剪水織微綃。飛翻竹葉

蕭蕭響。點綴松梢細細飄。詩思已知清到骨。禪
心應許立齊腰。勞生幾度陪清賞。授簡非才愧
續貂。

八
下

病中寫懷

經旬臥病百憂生。歌枕無緣夢寐清。蜚海風塵
何日靜。農田雷雨幾時傾。兒能檢藥知親養。婦
勸加餐慰母情。啄黍鷄肥新釀熟。杖藜徐起看
秋成。

五
上

毘陵敬上人留飲瑣翠亭兼簡陶師晉

翠竹林中暑氣微。山僧延客坐寬衣。黃塵掩冉
疎籬外。蒼雪飄蕭清晝飛。茶竈煙凝松葉潤。齋
厨香熟筍芽肥。幾時重約陶元亮。載酒同來爲
發揮。

五言
下平

過游塘張祠

在常州

風起荒城客棹過。岸頭祠宇鬱嵯峨。斜陽壓樹
暮雲合。流水遶門秋雨多。此日禱祈神不昧。當
年征伐事如何。漆燈藁冢荆榛遍。還有吳聲子
夜歌。

庚寅留毘陵憶老母病渴憂甚適寄枇杷

至感喜而作

曉窓燈影綴金花。游子思親夢到家。旅食暫違
憂藥餌。朋來遙及寄枇杷。香分綵袖慙懷橘。甘
入中腸憶奉瓜。拜舞新嘗意何限。北堂萱草綠
無涯。

遊碧浪湖簡沈高士

浮玉山邊夕繫舟。菰蒲蕭瑟動新秋。碧天萬里
轉銀漢。明月一輪當柁樓。每愧塵勞成白首。喜

從仙御作清遊。酒杯未落南風起。又掛歸帆。託順流。

八卷
下手

訪倪雲林留飲

軒窓玉潔無塵迹。梧竹風高夏日清。池上綠陰分野色。花間黃鳥帶春聲。移樽近水延餘醉。寫畫留人款別情。一出山莊路何限。客衣慈母意難平。

六卷
下手

輦德新兄弟分居十年仍復共處

伯仲墳簞古所誇。中原今見輦生家。十年消息

紫荆樹。千古光輝。唐棣華。鴻鴈秋高。歸別浦。鵲
鴿春煥。聚圓沙。然其煮豆。情相切。慙愧何人。掩
戶搥。

七
弄

病後野人送橘

野人贈橘甘於蜜。病後攜來恰滿筐。玉液舊同
仙掌露。金苞新熟洞庭霜。題封色映園林晚。飽
食香歸肺腑涼。亟遣兒曹獻慈母。如今小陞鬢
毛蒼。

呈雪林御史

街頭竹馬走童孩。報道烏江御史回。逕掃柴門
迎北望。舫瞻綵鷁向南來。關心未話風塵別。握
手猶爲夢寐猜。一笑浮生事無限。紅妝那惜佐
餘杯。

錦帆拂曉動牙樯。萬里歸心覲省忙。客袂不
忘慈母線。恩袍猶帶御爐香。忠聞漢使歸蘇武。賢
憶吳歌感孟光。便築高門森棨戟。相期努力報
君王。

七言

席上呈王尚書

堯天舜日重經綸。鳳詔先頒柱石臣。賜履又霑
新雨露。征袍那惜舊風塵。楊花別酒江南月。楊
柳官渠輦下春。眼見潢池淪赤子。好將籌策獻
丹宸。

上句思堂詩。鍊詞冠絕。下句詩之詞。

簡童鍊師

六月六日到城郭。逃暑直入青元宮。舉頭脩竹
蔽赤日。平地碧蓮開晚風。旋調蔗碗漿已凍。爛
飲玉壺冰若空。道人醉我希世物。不用三百輸
青銅。

卜元
五

避寇

壬辰十月十三日

午夜移家出遠村。西山烽火斷人魂。拏舟謾逐
東流去。洒淚遙瞻北斗尊。綵袖牽携憐幼穉。班
興扶擁護慈恩。會須兵甲銷農器。滿載春風復
故園。

十二侵
下

對月懷莞軒

為愛中秋對月吟。孤懷無那憶知心。人間此夕
嗟離合。天上清光自古今。竹葉傾香浮燦爛。桂
花移影轉蕭森。美人望望不相見。愁入銀河萬

里深。

八
平

次韻堯軒過溥塘莊見寄

淡煙墟落景淒迷。有客長吟過遠溪。流水柴門
香稻熟。疎林野寺暮禽啼。草堂自愧非潭北。雲
蓋欣瞻駐瀼西。乘興還來定何日。寧辭小摘徧
疏畦。

上
平

次韻荅楊文昭

一別故人知幾時。相思每誦昔年題。兵戈滿眼
愁無那。風雨連床夢轉迷。遙矚層城堅鐵石。俯

憐荒野困塗泥。興來擬欲操舟去。竚待西郊息
鼓鞞。

拜隆亭祖墳有感

古木蒼藤覆石垣。春風秋雨自滋繁。根蟠厚地
通山澤。蔓衍餘芳施子孫。墓碣青苔樗櫟道。紙
錢寒食杏花村。祇將純孝求冥漠。誠感終須到
九原。

金園寺別茂上人吳公亮

憶昔相違嘆轉蓬。今朝握手又西東。客程莫恠

輕爲別。尊酒應須晚更同。禪榻晨清楊柳雨。書
帷春暖杏花風。眼明會見承平日。物色分留慰
老翁。

宿長廣溪

長廣溪頭夜泊船。山青水白月娟娟。側身長嘯
興何在。皓首不眠心惘然。鴻鴈北來天未曉。風
塵西去地無邊。何方可覓桃源路。煮石畊雲度
險年。

題鄒甥維順湖山隱居

結廬何處避風塵。好向吳山楚水濱。門挹湖光
千頃月。窓開山色四時春。耕桑得趣堪爲樂。詩
酒忘情莫厭貧。林筍可饒魚可釣。善調甘旨奉
慈親。

山
史
五
平

春草軒對月

昔年阿母宴秋期。滿地溶溶月色遲。今夕光輝
徒有淚。一天風露不勝悲。良辰荏苒思無極。瘦
影伶俜舞向誰。夢出桂華窮碧落。聲容彷彿在
瑤池。

七
下

奉和丘彥啓追詠祖尚書建書錦坊詩有

感

尚書仗鉞歸來日。里閭榮瞻書錦光。陵谷變遷
移歲月。兒孫追慕見詩章。星沉玉斗垂軋象。履
出金鑾軼帝鄉。痛憶故園旌節里。荆榛漠漠草
茫茫。

十四
下

留別姊丈鄒檜堂

亂後歸來茅屋底。一枝棲息喜平安。釀成白酒
逢時飲。癖愛青山竟日看。向子已酬婚嫁債。陶

翁何羨僕僮歡。我來不肯輕爲別。握手惟稱會
面難。

白鷗亭

滄波漾漾白鷗飛。波上幽亭與世違。晴雪卷簾
清墨沼。春聲泛渚動書幃。海翁玩狎俱忘我。僊
客相看共息機。明日來遊分半席。接天秋水澹
斜暉。

蘭雪齋

我羨華陽王給事。襟懷磊落澹無營。閉門著書

白日靜。采蘭漱雪。清風生。謫仙藹藹春雲語。仲
連悠悠滄海情。千載何人繼高躅。大茅峯下有
軒楹。

寄丁彥誠

旅食江城春復秋。相思情逐水東流。憐君鑲鑲
多文采。愧我飄零限阻脩。夜雨久懸徐孺榻。春
風長倚仲宣樓。何時共對一樽酒。傾寫經年離
別愁。

贈王宜中

梁溪惜別風塵際。吳會相逢寂寞邊。我有故園
成兔窟。君於何地避狼煙。風流不減顏如玉。潦
倒空餘雪滿顛。一笑江城同是客。梅花綠酒暫
留連。

贈馬主簿

眼明喜識伏波孫。文采風流璧玉溫。上麟兒
真異物。人間驥子不同群。春風錦旆留江左。夜
雨班衣隔海垠。不共覩聖朝求治急。好從年少立
奇勲。

一先
下平

送茂長老

曾向金園留信宿。夜深風雨聽談禪。袈裟又是
經年別。詩句應從到處傳。雙樹林中揚妙梵。兩
華香裏覲諸天。舊來好客還如此。肯借禪房一
醉眠。

四支
上平

過瞿氏草堂會家叔同飲

竹林有約去年期。杖屨今朝獲後隨。九疊青山
雲散後。一溪春水雪消時。看花爛醉劉伶酒。傳
燭爭哦杜甫詩。最喜得從文字飲。艷歌妍舞亦

何爲。

十一
訪志學留別

霜晴墟落暖如春。遠岸維舟訪故人。祇爲殷勤
鷄黍約。何煩酬酢酒杯頻。寒瓜剖玉遲留客。香
橘分金共憶親。鄉井不嫌來往數。東風重醉草
堂新。

三
和曲林夢歸鄉中龍山寺

十年飄泊避兵戈。故國溪山夢寐多。明秀軒前
乘月去。白龍祠下躡雲過。斷碑剥字埋青蘚。舊

陌荒蹊覆綠蘿。自是仲宣鄉思切。春風一覺一
長詞。

送丁彥誠之通州

淮海初傳薦鶚書。馮唐今日伏吹噓。致身已覺
青雲近。照鏡從教白髮餘。三會亭前詩思濶。九
龍峯下故人疎。荒城對酒難爲別。潦倒憑誰數
起予。

次韻老人燈

燁燁衣冠勝後生。青藜入市賀升平。掃除白髮

三千丈。透徹丹心一點明。側耳笙歌如有聽。凝眸珠翠獨無情。時人莫道風中燭。南極星辰自有名。

六海
下平

種杏軒

賣藥從人種杏花。千株萬樹密交加。春風滿座團晴雪。曉日當窓炫綵霞。香葉不沉蘇老井。芳林長繞董仙家。會看采實如山積。德業相承世所誇。

七陽
下平

九日分韻得陽字

西風吹雨作重陽。冠蓋相逢樂故鄉。滿眼溪山
仍舊好。遶園杞菊未全荒。彈琴擊石市聲遠。援
筆賦詩秋興長。不恨無錢恨無酒。對花望斷白
衣郎。

次韻荅黃敬之

卜隣結屋讓西村。春入柴荆鳥雀喧。高柳遶門
元亮宅。繁桃夾岸武陵源。呼兒且種南山荳。過
客須傾北海尊。叔度不來茅徑塞。新詩吟就共
誰論。

題陽山顧碧溪詩卷

聞說陽山顧隱君。幽居不與俗人群。靜看舞鶴
步蒼蘚。閒掃落花眠白雲。李愿已甘盤谷趣。稚
圭休擬北山文。一溪春水連天碧。肯看漁樵坐
席分。

寄曲林

故人一別兩逾月。坐對草堂遙憶君。老梅稀疏
數點雪。脩竹僂僂千竿雲。每逢風月興未淺。更
愛歲寒心不群。時來春夜共清酌。何愧滎陽鄭

廣文

寄趙高士易窓慶上人雲岡

昨宵風雨釀春寒。曉日開雲路未乾。碁局定須
尋李遠。杖藜還肯過蘇端。繡經丈室留龍卧。點
易虛窓倩鶴看。暫假飛鳬在飛錫。竹林深處罄
交歡。

旅泊寄上東湖叔

孤瀆橋邊蓬底宿。夢魂先到絳紗帷。青雲不負
琴書興。白首偏勞骨肉思。咽咽鼓鼙溪郭暮。蕭

蕭風雨菊花期。明朝杖屨登高會。肯把茱萸寄一枝。

次韻荅劉節判

每誦新詩喜欲顛。知君只住白雲邊。有時嘯咏徑尋竹。長日清閒獨愛蓮。薇省衣冠新雨露。蒲鞭淮海舊風煙。太平氣象今重見。莫負奇才詘壯年。

次韻荅方節判

避地逢迎東海邊。宦情羈思兩茫然。常懷江上

思萼興。空憶山中種秫田。楊柳官衙春日靜。梧桐山館暮雲連。杖藜不倦頻來往。好詠丁丁伐木篇。

次韻荅鄧仲圭張則明

高密侯門奕世賢。相逢吟嘯楚江天。已尋竹所同移榻。更覓桃源別繫船。夢寐不忘三益友。鄉關還憶九龍泉。虞山無限相思意。曉日停雲薄暮煙。

挈居東郭舊斜涇。長憶鄭家池上亭。言笑自忘

頭盡白。交游共喜眼俱青。山城價重文章伯。江
國雲埋處士星。少待秋風吹去棹。細書名字到
雲屏。九

次韻荅淵上人

正欲祇園聽講禪。豈知分手各風煙。袈裟契闊
懷支遁。拄杖疎狂愧阮宣。鶴起每聽雲外錫。雪
晴長憶剡中船。兩花臺上繙經罷。好託秋鴻寄
尺箋。

次韻荅二鄭先生

憶昨追隨琴水湄。襟懷那忍遽分離。飛觴促令
尋花急。擊節揚歌愛月遲。一別已驚秋落木。相
期不負夜敲棋。殷勤爲問風流客。乘興還來定
幾時。

薰風一別海虞城。夜雨燈窓無限情。棠棣花開
知自樂。陽春曲罷與誰賡。丁公易道從東去。杜
老歸心賦北征。兩地相思不相見。空梁落月幾
迴明。

次韻荅殷公

君侍庭闈歸海畔。我携妻子向林塘。潮迴遠浦
波還急。蘭茁深山草亦香。莫訝燕鴻相棄背。已
期鷄黍不能忘。遙憐棣萼光輝處。對舞萊衣上
畫堂。

上平

感懷

苦憶家鄉值亂離。燈前揮淚看宗支。秋風百草
凋零際。夜雨連城戰伐時。殃及池魚徒有恨。痛
憐穴蟻欲何之。吾門積德由來厚。天地休光或
可期。

別席心齋

道人一別幾秋風。天上人間事不同。滄海塵揚談笑裏。碧桃花發亂離中。羨君到處飛孤鶴。愧我移家歎轉蓬。安得振衣游汗漫。雲龍相逐任西東。

秋夜

澤國秋深夜氣涼。飄零猶自未還鄉。鵓啼泣露梧桐井。絡緯縹風薜荔牆。只尺故園千里夢。亂離華髮十年霜。仲宣樓上長回首。烽火連山欲斷腸。

斷腸。

十三
五

戊申冬過東湖叔別墅

相尋高隱入荒村。一逕緣溪直到門。茅屋雲深
書榻靜。梅窓春早硯池溫。遲遲別緒留詩卷。穆
穆親情勸酒尊。安得移居傍隣舍。時陪杖屨候
晨昏。

楊獻可表第席上戲贈

江湖飄泊三年別。兩地憂思孰解知。遺愛不忘
瓜衍蔓。急難深惜樹連枝。相逢此日傷心事。莫

語當年得意時。且醉春風一杯酒。寸田當與子孫期。

五
小

奉寄東湖叔

飄泊東吳未得歸。竹林佳約又相違。高情不愧黃茆屋。遠夢長尋白板扉。野館梅花傳臘意。江亭柳色待春輝。殷勤欲寄平安字。水闊風高鴈過稀。

歲春感懷次韻

憶昔少年春到日。珠歌翠舞競爲歡。燈然絳蠟

搖金帳。菜縷青絲送玉盤。絃管聲中那問夜。綺羅香裏不知寒。自遭喪亂頭如雪。過眼繁華一笑看。

次韻荅吳良才

東風吹水下長溪。送我孤舟到水西。沙鳥銜魚來復去。野翁迎客笑如啼。步深花底歌紗帽。舞隔尊前叫竹鷄。欲往桃源尋舊隱。路迷無處覓芳蹊。

遊子春來倍憶家。暮雲愁思接天涯。衣冠已喜

移風俗。草木殊驚變物華。溪上故園頻入夢。眼中殘雪炫生花。老年不作登樓賦。獨立東風默嘆嗟。

寒食

寒食維舟江上村。臨風西望黯銷魂。花將春色歸流水。雲帶愁心入故園。丘隴不知誰洒掃。藤蘿應復自滋蕃。衰年却作無家客。不似龐公住鹿門。

江村

二月東吳春色濃。江鄉渾在畫圖中。桃花流水
村村曲。楊柳人家箇箇同。籬下醉翁紗帽黑。溪
邊遊女茜裙紅。眼中勝槩誰題品。好著狂夫駐
短蓬。

清明雨

鑽榆改火喜從新。風雨何堪斷送春。水漲蒲萄
濃似酒。花飄錦繡亂於塵。題詩謾爾酬佳節。隱
几無聊憶可人。不爲異鄉忘舊俗。柳枝隨意插
烏巾。

海寧雲友山公見訪

上人心與白雲閒。舟舫隨風出遠山。百里相聞
來問訊。一辭初接遽言還。袈裟飄逸紅塵外。杖
錫遨遊碧海間。何日從容過蘭若。細聽轉語破
凝頑。

和陸天游春暮感懷

江水淫淫日夜流。江花點點亂鄉愁。傷心白髮
似春夢。滿眼青山非舊遊。三月韶華空對酒。百
年世事獨登樓。不須俛仰懷今古。一曲滄浪發

釣舟。

題天游畫

仙翁醉倒金壺汁。信筆塗糊作畫看。泉合松聲
流別澗。雨將雲氣出層巒。移家隱遯懷龐老。攜
妓登臨憶謝安。一笑頓忘塵世事。也須卜築老
江干。

題溪山春霽圖

雨餘春色浩無涯。點染溪山麗物華。野水碧連
煙外草。石林紅映澗邊花。柳迷深渚漁人市。鶴

傍閒門處士家。老眼不知圖畫裏。便須先占白鷗沙。

閒居

屏迹金溪溪上村。花香竹色藹芳樽。懸知此地非盤谷。何有閒居似鹿門。春雨桑麻新畝畝。秋風松菊老丘園。龐公不是無才思。祇許平安遺子孫。

旦日次周莊簡曲林

孤舟飄泊任西東。鳳曆頒新歎轉蓬。投宿遠尋

王給事。醉歌長憶鄭文翁。歲添霜鬢蕭疎白。春
入椒花分外紅。邂逅他鄉一杯酒。襟懷却喜舊
時同。

次韻楊錢厓賦錢歊樓

蕭史吹簫作鳳樓。道人錢笛與同流。浪遊湖海
携紅袖。爭看神仙汎綵舟。五夜徘徊九霄月。一
聲清澈萬山秋。子雲自有長楊賦。豈傍東門歌
飯牛。

重賦錢歊樓

老仙登樓吹鐺笛。野人倚歌吹鐺簫。滄海玉龍
吟沆瀣。碧雲丹鳳舞飄飄。江湖一曲欣同調。意
氣千年不易消。鐺嘯蜚題出塵表。長令草木起
清飈。

送表姪賀生歸鄉

湖上飛花已暮春。湖邊折柳贈行人。烏迎去棹
情何限。燕繞迴檣意轉親。荒逕莫嫌歸去晚。新
詩毋惜寄來頻。懸知此夜相思處。月落西窓獨
愴神。

爲沈伯庸賦畊雲軒

花間布穀弄新聲。喚起東郊動作情。滿地綠莎
泥正軟。一犁膏雨曉初晴。南陽隴上披雲去。莘
野原頭帶月行。誰似軒中沈東老。卷簾閒坐看
春畊。

次韻曲林聞鶯二首

高枝密葉穩栖身。似避歌童作妬嗔。擲柳穿花
聲不斷。移宮換羽訴還真。千般轉舌千般巧。一
度調簧一度新。覲睨好音留客醉。流光誰解繫

義輪。

綿蠻啼破海棠春。好夢驚回若肯真。只訝小姬
歌咽咽。錯教狂客喚真真。當軒對酒聞偏美。怯
雨憐風韻更新。憶昔故園花下聽。雕闌初日射
朱輪。

午日危坐養浩齋喜天游見訪對花小酌
江臯連日雨濛濛。已拚佳辰寂寞中。杖屨忽逢
佳客至。笑談寧放酒杯空。遶庭萱草叅差碧。一
丈葵花爛熳紅。酬酢看君多意氣。獨醒堅坐愧

衰翁。

養浩齋雜詠

百合

一枝高颺一花垂。百葉如鱗取次齊。玉蕊半含黃鵲味。音檀心初拆麝香臍。未聞楚客留歌詠。曾見神農列品題。蕉幙中間護清馥。肯教零落委塗泥。

五月菊

幽姿本自傲秋霜。却逐薰風滿徑黃。五月不知

非九月。端陽錯認是重陽。紛紛似識炎涼態。燁燁終存晚節香。想得淵明多嗜酒。故尋醒客弔沅湘。

七

紅葵

柔條高並拂簷長。婉若雙雙彩鳳翔。葉展翠綃常衛足。花舒蜀錦只傾陽。酡顏暈酒耽春醉。丹靨凝脂覩曉妝。不似海榴無態度。絳英顛倒委階傍。

黃葵

葵花一種異尋常。却向秋林學道裝。香葉疎疎
剪鷄距。輕袍燁燁染鵝黃。御風自有神仙態。承
露不粘脂粉香。若使姮娥見顏色。也應換去白
霓裳。

紅白鳳仙

飛仙駕鳳動成群。醉舞丹霞躡素雲。露浥鉛華
傾玉頰。酒翻血色汙羅裙。不隨桃李爭春艷。却
遶階除弄夕曛。爛熳祇教兒女愛。玉纖粧點錦
花紋。

秋萱

萱草當秋開又奇。高標簇立對軒墀。亭亭擎露
仙人掌。朵朵翻風金屈卮。壽母最憐怡日永。宜
男不厭著花遲。北堂好護根株在。綵袖相輝碧
玉枝。

暮春奉寄東湖叔

時爲郡庠訓導

第二泉邊老布衣。廣文官冷未能歸。白頭自信
無人識。青眼相看過客稀。花塢怕逢春雨急。竹
林長望暮雲飛。懸知絳帳風流在。莫向東風怨

落暉。

喜幼子文轉遠歸

溪頭杖策散憂懷。遙賦扁舟幼子回。一見正如
天上墜。相看猶作夢中猜。踏翻謝屐身忘老。拜
舞萊衣志苦孩。莫話道途辛苦事。且欣恩澤到
枯荄。

過鄒生

風雨孤舟過故人。別來懷緒轉相親。冊傳秘訣
從誰學。數演流年話我真。夢裏繁華悲宿昔。鏡

中雪色老逡巡。八旬定許躋高壽。祇恐龍鍾甌
滿塵。

排律

次韻荅趙李文

憶從兵燹瀼西莊。旬朔携家出遠鄉。佳士每逢
青眼顧。高堂欣覩絳帷張。珠涵碧水淵還媚。玉
韞青山石有光。好與芝蘭同入室。肯隨蒲柳易
凋霜。陶翁賴結新蓮社。社老終歸舊草堂。遙矚
雲霞徒悵快。獨吟林屋謾踈狂。莎雞泣露庭前

草。終緯鳴。秋屋外。采。幾度思君者。明月。隔溪遙。
聽棹相將。

十三
下平

遣懷奉呈東湖叔

十載漂流百不堪。歸來耕鑿有何慙。剪除野蔓
開蔬圃。樵斫黃茆結草庵。蕭散林泉元自愛。艱
難稼穡近方諳。芹羹滋味清還美。蔗境生涯老
愈甘。蔣詡門前三逕竹。杜陵堂下百花潭。翩翩
溪鳥晴翻雪。靄靄雲峯翠作嵐。香稻滿田分玉
粒。采采遶屋飲氷蠶。洞庭摘取千頭橘。閩粵移

栽三寸柑。愛月沉舟。乘逸興。看山扶杖。縱幽探。
釀成美酒。留人飲。冷得新詩。與客談。已喜
皇風清海內。坐看春色徧江南。安貧只願駒藏
谷。樂道遙悲蟻戰酣。一變衣冠新宇宙。祇嫌短
髮不勝簪。

栖碧先生黃楊集卷中

康熙五十二年歲次癸丑閏
十一世裔孫汝高補壁

